


Kersfees - spesiaal vir kinders!



Kom Kinders, Kom Juig Oor ons Koning Jesus!



Hallo Maats,

Julle het seker al gewonder wanneer julle weer 'n Penniefluitjie kry! Dis my skuld – dit het so rof by die werk gegaan, dat ek nie kans gekry het daarvoor nie. Ek vra groot verskoning!

Ek hoop julle het almal 'n maklike kwartaal gehad en dat julle 'n wonderlike veilige vakansie sal hê, selfs al gaan julle nie weg vir die vakansie nie en bly net by jul eie huise (ons noem dit om met Jan Tuisbly se Karretjie te ry!). Dis tog ook lekker om by jou eie huis te wees en tyd te maak om saam met Mamma en Pappa of Ouma en Oupa iets lekkers te doen.


Onthou, ons begin volgende jaar met die Kategese op **Sondag 18 Januarie** – gewone tyd, gewone plek! So skryf 'n notatjie vir Pappa en Mamma op 'n papier en plak dit op die yskas vas, sodat hulle ook onthou!

Nou ja, julle het seker gesien alles in die winkels blink al van verlede maand af - Wie hou van Kersfees? Ek is seker almal van julle! Maar ek wonder of almal nog mooi weet waarom dit eintlik gaan, want partykeer kyk ons so vas in die geskenke en blink liggies dat ons van die Grootste Geskenk vergeet. Natuurlik is Jesus ons Grootste Geskenk van God af!

Maar daar is baie tradisies en gebruike rondom Kersfees wat ons dikwels aan deelneem sonder om te weet waarom dit gaan.

Blaai om, dan kyk ons of ek julle bietjie kan vasvra! (Toemaar, ek sal darem die antwoorde ook gee!)

*Liefde in Jesus,
Tannie Lita*



Hoekom is daar 'n Kersboom met versierings? Is dit regtig nodig om 'n Kersboom te hê?



Wat is Advent?

Advent beteken die Vier Sondae voor Kersfees.

Dit word deur die mense van Duitsland en Nederland gevier. Vier Sondae voor Kersfees, maak hulle 'n krans waarin vier kerse kan pas. Dan word daar een kers aangesteek. Die volgende Sondag steek hulle twee kerse aan, die volgende Sondag drie kerse en op die laaste Sondag voor Kersfees word al vier kerse aangesteek.



Hoekom gee ons geskenke vir mekaar?

Uit dankbaarheid natuurlik! Ons is mos baie bly dat God ons so baie liefgehad het dat Hy bereid was om Jesus vir ons te stuur! Daarom hoef die presente nooit groot of duur te wees nie, want dis mos eintlik Jesus se verjaardag wat ons vier.

Ons gee ook vir mekaar iets om te sê dat ons vir mekaar lief is en baie dankbaar is dat God ons vir nog 'n jaar gespaar het.



Die Kersboom is eintlik net 'n mooi idee wat ons gebruik om alles 'n bietjie meer feestelik te laat lyk.

Die boom self het geen betekenis nie en hoef eintlik nie deel van Kersfees te wees nie.

Oorspronklik was dit 'n Duitse heidense gewoonte om bome in hul huise te hou. Daar is verskillende stories hieroor, maar een van hulle sê dat 'n heilige toe vir die Christene van daardie tyd gesê het dat hulle 'n denneboom in die middel van hul huise moet sit as 'n simbool van Christus wat die middelpunt van hul huise moet wees.

Hul huise is daardie tyd van dennehout gebou en die idee is dat Christus dus so deel van die gesin moes wees soos wat die dennehout deel van die huis was.

Ons het dus hierdie gebruik oorgeneem en daar word vertel dat Martin Luther ('n Duitse dominee) voorgestel het dat die boom regop gesit moes word en dat daar liggies aan die boom gehang moes word.

Die res van die stories oor die oorsprong van die Kersboom kan julle lees op Wikipedia (die van julle wat die internet mag gebruik!) op die skakel -

[http://en.wikipedia.org/wiki/Christmas tree](http://en.wikipedia.org/wiki/Christmas_tree)



Waar kom die idee van Kersvader vandaan? Bestaan hy regtig?




In verskillende kulture het Kersvader verskillende name – in Nederland staan hy bekend as **Sinterklaas**, in Griekeland is hy **Saint Nicholas**, in Amerika is hy **Santa Clause**.

Die oorspronklike inspirasie vir die karakter van Kersvader kom uit die land wat nou as Turkye bekendstaan – Nicholas was 'n Griekse Christenbiskop en was bekend vir sy geskenke aan die armes.


Julle kan verder die ander stories oor Kersvader op Wikipedia lees op die skakel http://en.wikipedia.org/wiki/Santa_Claus

Ons glo speel-speel aan Kersvader om dit vir die klein kindertjies lekker te maak. Ons sê hy bly in Lapland of in die Noordpool en maak speelgoed vir kinders en as jy soet is, kom bring hy Oukersaand (die 24^{ste} Desember) vir jou geskenke. En dat hy met 'n slee deur die lug ry wat deur Roedolf (met sy rooi neus) en ander takbokke getrek word!

Dit is 'n mengsel van al die ou stories en eintlik weet ons almal dat daar nie regtig so iets is nie, maar ons speel saam sodat ons klein boeties en sussies pret het. (Partykeer gebruik Mamma en Pappa die stories om te sorg dat julle baie soet is!)



Is Jesus regtig op Kersdag (25 Desember) gebore?



Die geboorte van Jesus is opgeteken in Lukas 2: 1-11 – Julle kan kyk, dis die derde boek van die Nuwe Testament.

Nee, Jesus is nie regtig presies op 25 Desember in die jaar 0 gebore nie. Dis 'n datum wat ons as Christene gebruik om Jesus se geboorte te herdenk (te vier).

Party stories sê dit moes iewers in Augustus gewees het, ander praat van Januarie of selfs in Maart.


Julle kan verder lees op Wikipedia se skakel

<http://en.wikipedia.org/wiki/Christmas>

Vir ons maak dit nie regtig saak nie, want ons glo Jesus is vir ons gebore – maak nie saak op watter dag nie – en as Christene vier ons saam Kersfees op 25 Desember.

Die belangrikste is mos nie die dag nie, maar die feit dat ons glo dat Hy werklik vir ons gebore is en later vir ons gesterf en weer opgestaan het!

Die Penniefluitjie



Nou die storie soos ons dit ken:

So ongeveer 2008 jaar gelede het daar 'n meisie, Maria, in 'n klein dorpie gewoon. Sy was nog nie getroud nie, maar haar ouers het, soos hulle dit in daardie dae gedoen het, 'n man gekies. Sy naam was Josef en hy was 'n skrynwerker (iemand wat houtmeubels maak).

Een aand verskyn 'n Engel aan Maria en vertel vir haar dat sy 'n baba gaan hê. Natuurlik was sy

Sy en haar haar wees, die



bang, want hoe sou so iets moontlik wees?


Josef was dan nog nie getroud nie en dit sou 'n groot skande vir pa en ma beteken as sy swanger sou wees. Maar die Engel het gerusgestel en vir haar vertel dat die baba baie spesiaal sou omdat God self die Pappa van die seuntjie sou wees. Sy moes babaseuntjie Jesus noem.

Ongeveer nege maande later, roep die Keiser van die land 'n sensus uit, sodat hy kon sien hoeveel mense daar in sy land woon. Elke man moes sy gesin vat na sy geboortedorp toe, sodat hy sy naam daar kon registreer. Josef en Maria het met hul donkie ver moes te kom. Hulle was baie moeg en het was die hotelle van daardie tyd) plek In daardie tyd was daar nie telefone plek bespreek nie. Al die herberge herbergier het hulle jammer gekry gegee om in te oornag.



Josef en loop om in Bethlehem by al die herberge (dit gesoek om oor te bly. nie, so hulle kon nie was reeds vol. Een en vir hulle sy stal


En daar word die seuntjie Jesus toe in die stal gebore. Sy mamma het sy lyfie met sout en olyfolie ingevryf en hom in sagte het Josef 'n plan gemaak vir 'n skrynwerker wat mooi meubels as die krippe waaruit die diere daar was lekker sagte strooi. die krip gesit, sodat Jesus 'n



Intussen bababed – hy was mos 'n kon maak. Daar was niks anders hul kos gevreet het nie, maar Josef het genoeg van die strooi in lekker warm bed kon hê.

Intussen was daar in 'n ander land sterrekykers wat die hele tyd die sterre dopgehou het. Dit was hulle werk – hulle was astroloë – en hulle het 'n nuwe, baie helder ster opgemerk.

Die Penniefluitjie



In daardie tyd was so 'n ster iets uitsonderliks en hulle het geweet daar is definitief iets belangriks wat gaan gebeur. Toe pak hulle hul reissakke en klim op hul kamele en reis agter die ster aan.



Skaapwagters wat buite Bethlehem hul veld opgepas het, het dieselfde nag ook



skape in die die helder ster gesien.

En toe verskyn daar 'n klomp engele wat geboorte vertel.



Hulle was so opgewonde dat hulle sommer hul skape daar in die veld gelos het en gehardloop het om vinnig by die stal te kom en te sien hoe hierdie babatjie lyk. Hulle het mos al baie lank vir 'n Koning gewag!

Hulle was die eerstes wat Jesus gesien het en ek is seker hulle kon nie wag om dit vir hulle vrouens en kinders te gaan vertel nie!



Die drie sterrekykers het daardie aand opgeslaan om oor te slaap, maar toe verder beweeg nie. Hulle het dadelik hulle die hele tyd uitgesien het, waar duur geskenk wat hulle op hul reis en hulle het ingestap in Bethlehem en daar by die stal het hulle die babatjie gesien – Koning Jesus!

net buite Bethlehem kamp sien hulle dat die ster nie geweet dat dit waarna geword het. Elkeen het 'n saamgebring het, geneem



Hulle was so bly en opgewonde, dat hulle voor Jesus gekniel het en vir Maria en Josef die geskenke van goud, wierook en mirre gegee het. (Mirre was 'n baie duur en skaars soort kruie). Ons vier nou nog altyd Kersfees om Jesus se geboorte te herdenk. Omdat Jesus die Lig van die wêreld is, steek ons kerse aan, of hang liggies op. Ons gee ook vir mekaar geskenke net soos die sterrekykers vir Jesus geskenke in die stal gebring het.

Mag julle 'n wonderlike Kersfees beleef en onthou dat Jesus die rede vir Kersfees is. Hy is ons Koning en baie lief vir ons!